



Decisiones Sacramentales, Theologicæ, Canonicæ, & Legales

In Quibus Tota materia Sacramentorum, Theologiæ Moralis, Juris Canonici, & Quæstiones plurimæ Juris Civilis explicantur, dilucidantur, & traduntur, Eruditionibus, Historiis, & Exemplis adornatæ ; Opus Episcopis, Vicariis, Parochis, Confessariis, aliisque Studiosis utile, ac jucundum In Libris novem ...

De Venerabili Eucharistiæ Sacramento Decisiones Theologico-Legales

Chiericato, Giovanni Maria

Augustæ Vindelicorum, 1730

Decisionis XLII. Ad Septembris Quæsitum secundum. Argumentum. Traduntur signa demonst[r]antia, intentionem virtualem consecrandi Eucharistiam esse in Sacerdote consecrante.

[urn:nbn:de:hbz:466:1-94643](https://nbn-resolving.org/urn:nbn:de:hbz:466:1-94643)

Hierurgia Sacra tom. 1. Verb. Intentio quo ad Missam num. 189. §. 5.

DECISIONIS XLII.

Ad Septembris Quæsitum secundum.

ARGUMENTUM.

Traduntur signa demonstrantia, Intentionem virtualemente consecrandi EUCHARISTIAM esse in Sacerdote consecrante.

SUMMARIUM.

1. Intentionis virtualis consecrandi Eucharistiam tria sunt signa.
2. Oratio illa, Ego volo celebrare Missam: &c. dicenda ante Missam dat dies quinquaginta Indulgentia, & servit pro virtuali intentione.
3. Philippus de Angelis Prior S. Leonardi de Padua laudatus.
4. Indulgentia plurimum annorum, quæ dicuntur concessa celebrantibus Missam.

QUÆSITUM SECUNDUM.

Quæ sint signa demonstrantia, Intentionem Virtualemente consecrandi Eucharistiam esse in Sacerdote consecrante?

Tria signa fuerunt notata, unum *Remotum*, alterum *Proximum*, tertium *Intimum*. Signum primum *Remotum* est, si Sacerdos, in sua ordinatione hanc intentionem in seipso firmaverit, vel se consecrare Corpus, & Sanguinem Domini, & conficere Eucharistiæ Sacramentum, quoties accesserit ad Altare ad Missam celebrandam. Si enim hanc intentionem nunquam retraxerit, censetur semper habere intentionem virtualemente, & sufficientem ad consecrationem, etsi de hac non cogitet, dum Missam celebrat. Ita Gregor. de Valentia tom. 4. disp. 3. q. 5. punct. 3. *Vers. Intentio autem implicita, & virtualis est.* Cujus hæc sunt verba: Si quis initiatus Sacerdos voluit aliquando in saceris id facere, quod facit Christus, & Ecclesia; licet postea cum Sacrum facit, hujus intentionis non recordetur; si tamen illam intentionem non revocavit, & similiter secundum quandam consuetudinem ita Sacrum facit, atque aliquando fecit, cum illam intentionem actu habuit; virtualiter censetur habere intentionem, quæ sufficit. Hoc signum docent, & approbant etiam Sotus in 4. dist. 1. q. 5. art. 8. coll. 11. Henriquez, lib. 1. cap. 10. num. 2. Tamburin. de Sacrific. Missæ lib. 2. cap. 1. §. 2. n. 10. & Gobat in *Experim. Theol. tract. 3. num. 784.*

Signum *Proximum* est, si Sacerdos hic eliciat suæ intentionis consecrandi Eucharistiam testimonium, videlicet indumentum sacrarum vestium: nam quotiescumque induerit sacras vestes pro Missa celebranda, censetur habere intentionem virtualemente consecrationis peragendæ, etsi de actuali non cogitet. Ita Reginald. tom. 2. lib. 26. n. 38. *Vers. Altero modo;* ubi ita scribit: *Eo ipso, quod Sacerdos vult secundum Sacerdotum consuetudinem induere vestes Sacerdotales, habet virtualemente intentionem celebrandi Missam.* Quia enim induere vestes Sacerdotales medium est ab Ecclesia institutum ad Missæ celebrationem; sic, ut in tali actione induendi, com-

prehendatur virtualiter alio celebrandi; & in intentione induendi, intentio celebrandi; donec adhibeatur alius contrarius, per quem hac tollatur. Atque hujusmodi quoque intentionem Virtualemente ad Sacramentum sufficere dicendum est. Hoc quoque signum amplectuntur Tamb. d. §. 2. num. 9. & Gobat d. num. 784.

Signum tandem *intimum* est, si Sacerdos vel in Sacristia, antequam induerit vestes Sacras, vel postquam eas induerit, sive cum processerit ad Altare, attentè, ac devotè recitaverit frequentem Orationem, quam Gregorius XIII. exornavit Indulgentia quinquaginta annorum, toties acquirenda, quoties eam celebraturi recitabunt; & quam docet omnes Sacerdotes, paulò ante Missam, recitare; cum ex ea excitetur actualis intentio, efficacissima ad producendam intentionem virtualemente consecrandi, ut advertit Gobat d. tract. 3. num. 790. ac 864. ubi extendit ipsam Oratiunculam quæ est hujusmodi: *Ego volo celebrare Missam, & conficere Corpus, & Sanguinem Domini Nostri JESU CHRISTI;* juxta ritum Sanctæ Romanæ Ecclesiæ, ad laudem omnipotentis Dei, totiusque Curie triumphantis; ad utilitatem meam, totiusque Curie militantis; pro omnibus qui se commendaverunt orationibus meis in genere, & in specie; & pro felici statu Sanctæ Romanæ Ecclesiæ. Amen. Eadem Oratio cum expressione supradictæ Indulgentiæ legitur impressa in Tabellis pro Preparatione Sacerdotis ad Missam, quæ communiter sunt appositæ in Sacristiis; & eam ponit Philippus de Angelis, olim Prior Ecclesiæ S. Leonardi de Padua, Vir non mediocri eruditionis, & meus amicissimus, in sua *Praxi Missæ Privatae part. 3. in fine in 2. edit. pag. 277.* ubi tamen notat Indulgentiam esse annorum quadraginta; de cujus veritate credo, non esse ambigendum, etsi ea non reperiatur inter Bullas Gregorii XIII. tum quia, ut dixit, ita exposita in omnibus Sacristiis; tum etiam quia illam laudat P. Gobat, qui edidit integrum tractatum de Indulgentiis, & cumulat Indulgentias Apocryphas, inter quas supradictam non recenset, ut quilibet videre potest in Opere Quinario ejusdem P. Gobat tract. 4. numero 703.

Tandem omittere nolui sequentem notam, quam supradictus Philip. de Angelis ponit d. 3. 4. part. pag. 287. 288. quidquid sit de ejus validitate, videlicet: *Nota circa Indulgentias;* Eugenius Petrellus in libro, quem italicè inscripsit titulo, *Novello Giardino fol. 28. refert multa Sanctorum Doctorum memoranda dicta circa Missas;* sed inter alia sic ait: *Pro qualibet Missa, quæ celebratur, vel auditur in quocunque loco, & a quocunque Sacerdote, semper acquiruntur anni triginta millia, & octingenta Indulgentiarum.* Nam sic Innocentius VI. concessit 30. millia, & Urbanus IV. Martinus V. Sixtus IV. & Eugenius IV. concessere 200. Fides sit apud Auctorem; ego enim in Bullario reperio tantum fuisse concessas Indulgentias pro festivitate, & tota octava Corporis CHRISTI, tam celebrantibus, quam interessentibus Divinis Officiis ab Urbano IV. Martino V. & Eugenio IV. de quibus infra Casu secundo Mensis Odobris decis. 60.